


Kommunet aningaasartuutaat 2009-mi annertuseriarput

*Kommunet
aningaasartuutaat*

Jannuaarimiit 2009 kommuneqarfiit 18-simasut 4-nut kommunerujussuannngortin-neqarput. Kommunerujussuit 2009-mi ingerlatsinissamut aningaasartuuteqarnissamullu 3.962 mio. koruunit missingerssuutigisimavaat. 2008-mut missingerssummut naleqqiullugu annikilleriaallanneruvoq, kisiannili 2007-mi ukiumut naatsorsuusianut naleqqiullugu 6,9 pct.-mik annertuseriarnerulluni.

Tamanna saqqummersitami ”*Pisortat 2009-mi ingerlatsinikkut kiffartuussinikkullu missingersersuutaat*”, Naatsorsueqqissaartarfiup nittartakkamini www.stat.gl aqqutigalugu saqqummerseqqammisaani, takuneqarsinnaasoq.

2009-mi kommunetigut ingerlatsinerup aningaasartuuteqarnerullu agguataarnerat



*Inuiaqatigiinnik
sinnersuineq 45 pct.-uvoq*

Kommunet ingerlataanni annertunersaavoq inuiaqatigiinnik sinnersuineq, tassani pineqarput atugarissaarnissaq pillugu iliuseqarnertigut aningaasartuutit soorlu ilaqutariinnik, meeqqanik inuusuttunillu, innarluuteqartunik utoqqarnillu isumagininneq, tassanissaaq inissiiveqarnerit najugarisat, pinaveersaartitsinerillu allallu isumaginissaat, taamatullu arlaqaqisutigut napparsimasoqarneratigut, innarluuteqalernertigut sulifferrunnertigullu toqqaannartumik aningaasanik ikiorsiisarnerit, taamatullu ineqarnermut tapiissutitsigut, peqqissartinnertigut, sioqqutsilluni pensionisiaqalernertigut, pensionisiaqalernertigut allatigullu. 2009-mi inuiaqatigiinnik sinnersuineq 1.774 mio. koruuninik aningaasartuiffiusimavoq kommuneqarfiillu ataatsimut aningaasartuutaasa 45 pct.-ralugit.

*...atuartitsineq 20 pct.-
voq.*

Atuartitsinermi pineqarput kommuneni atuarfiit, najugarisami inuusutissarsiuteqarinnikkut atuarfiit, soorlu Piareersarfiit, inersimasunut ilinniagaqarfiit, ilinniarnermut ikiorsiissutit allallu, taakkuuppullu kommuneqarfiit tulliatut annertuumik ingerlataqarfigisaat. 2009-mi 809 mio. koruunit atuartitsinermi aningaasartuutiginneqarsimapput kommuneqarfiillu ataatsimut aningaasartuutaasa 20 pct.-ralugit.

*Nalinginnaasumik pisortat
kiffartuussinineri*

Aningaasartuutit nalinginnaasumik pisortat kiffartuussininerinut tunngasut tassaapput kommune-p nammineq ingerlatsinermini aningaasartuutaai, kommune-mi nunaqarfinnilu qinikkanut aningaasartuutit, qinersinermi taamatullu ataatsimiitalianut, siunnersuisunut aalajangiisartunut allanullu aningaasartuutit. 2009-mi nalinginnaasumik pisortat kiffartuussininerannut tunngasut 675 mio. koruuninik aningaasartuutaasimapput kommuneqarfiillu ataatsimut aningaasartuutaasa 17 pct.-ralugit.

<i>Avatangiisinik innarlitsaaliineq</i>	Avatangiisinik innarlitsaaliineq pillugu aningaasartuutitut makku tunngatinneqarput eqqagassanik imermillu minguttumik piaaneq, ikuallaaveqarfinnik ingerlatsineq, avatangiisinut innarliisinnaasunik akulinnik igitassanik tunniussiviit allallu. 2009-mi kommune-t 70 mio. koruunit avatangiisit innarlitsaalinissaannut atussavaat.
<i>Aningaasaqarnermut tunngasut</i>	Aningaasaqarnermut tunngatillugu pineqarput suliffeqarfeqarneq, nunalerineq, aali-sarneq piniarnerlu, nukimmik pilersuineq, assartuineq, suliffissuaqarneq, niuerneq, takornariaqarneq allallu. 2009-mi kommune-t 231 mio. koruunit aningaasaqarner-mut tunngasuni atorpaat. Tamanna 29 pct.-mik 2007-mi naatsorsuusianut naleqqiul-lugu annertuseriarneruvoq.
<i>Qatserisartoqarneq</i>	Kommuneqarfiit qatserisartoqarnerat aaliangersakkap inuiaqatigiinni toqqissisima-nissaq isumannangissuseqarnissarlu tunngavigalugit pissusissamisuginnapoq qatse-risartoqarneq inissisimassaguni. Kommune-t 2009-mi qatserisartoqarnermut inger-latsinermi 41 mio. koruunit aningaasartuutigissavaat, taakkulu ataatsimut aningaa-sartuutissat 1 pct.-raat.
<i>... pdf. filinngorlugu</i>	"Pisortat 2009-mi ingerlatsinikkut kiffartuussinikkullu missingersersuutaat" saqqummersitaq Naatsorsueqqissaartarfimmut saaffiginnikkut piniarneqarsinnaavoq imaluunniit pdf-filitut pineqarsinnaalluni Naatsorsueqqissaartarfiup saqqummersit-tagatigut www.stat.gl .
<i>E-mailimut ilaasortanngorit</i>	Siunissami kisitsisitigut paasissutissat nutaat Naatsorsueqqissaartarfiup saqqummer-sittakamigut tamanut saqqummiinerani ilisimatinneqartalerusukkuik, qarasaasiakkt allatanik nutaarsiassaasivippit ilaasortanngorfigiuk: Iserfigiuk www.stat.gl . Ammak-kavit qulaani qineruk "Tuniniaaneq Sullissinerlu" malittuanillu "Pisartagaqarnermi sullissivik". Taava siunissami kisitsisitigut paasissutissat nutaat tamanut saqqum-miunneqarnerini e-mailikkut pissarsisinneqartalissaatit.

Annertunerusumik paasisaqarusukkuik saaffigisinnaavat naatsorsueqqissaarnermi siunnersortaaneq Lene Baunbæk e-mailkut leba@stat.gl.

Inussiarnersumik inuulluaqqusillunga

Lene Baunbæk
Naatsorsueqqissaarnermi siunnersortaaneq